

程

呂氏春秋卷第十二

漢河東高誘訓解

明新安汪一鸞重訂

晉程東山  
宋魏晉

季冬紀

十二月紀

一曰季冬之月日在婺女

季冬夏之十二月婺女北方宿越之分野

是月日躔此宿也

昏婁中旦氐中

婁西方宿魯之分野氐東方宿韓之分野

是月昏旦時皆中於南方

其日壬癸其帝顓頊其神玄冥其

蟲介其音羽律中大呂

大呂陰律竹管音與大呂和也萬物萌生動於

黃泉未能達見呂旅也所以旅去陰即陽助其成功故曰大呂也

其數六其味

醜其臭朽其祀行祭先賢鴈北鄉鵲始巢

鴈在彭蠡

之澤是月皆北鄉將來至北漠也鵲陽鳥順陽而動是月始為巢也

乳雉雉

詩云雉之

朝雉尚求其雌乳外也

天子居玄堂右个

玄堂北向堂右个東頭室也

乘玄輅駕鐵驪載玄旂衣黑衣服玄玉食黍與

彘其器宏以奔命有司大儼旁磔出土牛以送

寒氣

大儼逐盡陰氣為陽導也今人臘歲前一

日擊鼓驅疫謂之逐除是也周禮方相氏掌蒙熊皮黃金四目玄衣朱裳執戈揚楯率百

隸而時儼以索室驅疫鬼此之謂也旁磔犬羊於四方以攘其畢冬之氣也出土牛令之鄉

縣得立春節出勸耕土牛於東門外是也征

鳥厲疾乃畢行山川之祀及帝之大臣天地之

神祇

征猶飛也厲高也言是月群鳥飛行高且疾也帝之大臣功施於民若禹稷之屬也

天曰神地曰祇是月歲終報功載祀典諸神畢祀之也

是月也命漁師始

漁天子親往

漁讀如論語之語是月也將捕魚故命其長也天子自行觀之乃

嘗魚先薦寢廟冰方盛水澤復堅

復亦盛也復或作復凍重

命取冰冰已入

入凌室也詩云二之日鑿冰

謂也令告民出五種

出之於窳簡擇之也

命司農計耦耕事

計會也耦合也

修耒耜具田器命樂師大合吹而罷

禮

籥章仲春晝擊土鼓吹邠詩以逆暑仲秋夜逆寒亦如之舉春秋省文也則冬夏可知乃

命四監收秩薪柴以供寢廟及百祀之薪燎

四監

者周制天子畿方千里之內分爲百縣縣有四郡郡有一大夫監之故命四監使收掌薪柴也燎者積聚柴薪置璧與牲於上而燎之升其煙氣故曰以供寢廟及百祀之薪燎也

**也日窮于次月窮于紀星迴于天**次宿也是月日周於牽牛

故曰日窮于次也月遇日相合爲紀月終紀光盡而復生日朔故曰月窮于紀日有常行行於中道五星隨之故曰星迴于天也一說十二次窮于牽牛故曰窮于次也紀道也月窮于故宿故曰窮於紀星迴于天謂二十八宿更見于南方是月迴于牽牛故曰星迴于天也**數將**

**幾終歲將更始**夏以十二月爲正夏數得天言天時者皆從夏正也故於是月

十二月之數近終歲將更始於正月也**專於農民無有所使**農事將起

獨於農民無所役使也**天子乃與卿大夫飭國典論時令**

**以待來歲之宜**飭讀曰勅勅正國法論時令所宜者而行之**乃命太**

**史次諸侯之列賦之犧牲**次列也諸侯異姓者太史乃次其列位國

之大小賦歛其犧牲也**以供皇天上帝社稷之饗**皇天上帝

也社后土之神謂句龍也稷田官之神謂列山氏子柱與周棄也饗禮也**乃命同姓**

**之國供寢廟之芻豢**寢廟祖廟也親同姓故使供之也牛羊曰芻犬豕曰

豢**令宰歷卿大夫至於庶民土田之數而賦之**

**犧牲以供山林名川之祀**宰歷於周禮爲太宰建邦之六典八法以

御其衆故**凡在天下九州之民者無不咸獻其**

命之也**力**咸皆也**以供皇天上帝社稷寢廟山林名川**

力獻致也

之祀行之是令此謂一終三旬二日

行之令是行是之令

也終一歲十二月終也三旬二日者十日一旬也二十日為二旬後一旬在新月故日三旬二日

日季冬行秋令則白露蚤降介蟲為妖四鄰入

保金氣白故白露蚤降介甲之蟲為妖災也金為兵革故四境之民入城郭以自保守也

行春令則胎夭多傷國多固疾命之日逆

季冬大寒

而行春溫仁之令氣不和調故胎夭而傷國多逆氣之由故命日逆

行夏令則水

潦敗國時雪不降冰凍消釋

火氣炎陽又多淋雨故水潦敗國也

時雪當降而不降冰凍不當消釋而消釋火氣溫于時之徵也

### 士節

二曰士之為人當理不避其難

理義也殺身成義何難之避也

臨患忘利

道而用之

遺生行義

惟義所在不必生也故曰遺生也

視

死如歸

易也

有如此者國君不得而友天子不得

而臣

以其義高任大一國之君不能得友天子不能得臣也堯不能屈許由周不能移伯

夷漢高不能致四皓此之類也

大者定天下其次定一國必由

如此人者也

定天下舜禹周棄是也定一國蘧伯玉段干木是也

故人主

之欲大立功名者不可不務求此人也

務勉賢也

主勞於求人而佚於治事

得賢而任之故佚于治事也

齊有

北郭騷者結梁罔梱蒲葦織屨履

一作葩履

以養其

母猶不足也猶尚也踵門見晏子曰願乞所以養母

晏子之僕謂晏子曰此齊國之賢者也其義不

臣乎天子不友乎諸侯於利不苟取於害不苟

死於不義之利不苟且而取也當義能死故不苟免今乞所以養母是

說夫子之義也必與之晏子使人分倉粟分府

金而遺之辭金而受粟有間晏子見疑於齊君

有間無幾間也出犇過北郭騷之門而辭辭者別也北郭騷

沐浴而出見晏子曰夫子將焉適也適之也晏子曰

見疑於齊君將出奔也奔走也北郭子曰夫子勉之

矣晏子上車太息而歎曰嬰之亾豈不宐哉亦

不知士甚矣晏子行也行去也北郭子召其友而告

之曰說晏子之義而嘗乞所以養母焉吾聞之

曰養及親者身伉其難伉當今晏子見疑吾將以

身死白之也白明也著衣冠令其友操劍奉笥而從

造於君庭求復者曰晏子天下之賢者也去則

齊國必侵矣必見國之侵也不若先死請以頭

託白晏子也因謂其友曰盛吾頭於笥中奉以

託退而自刎也其友因奉以託其友謂觀者曰

北郭子為國故死吾將為北郭子死也又退而

自刎齊君聞之大駭乘駟而自追晏子及之國

郊駟傳車也請而反之晏子不得已而反聞北

郭騷之以死白己也曰嬰之亾豈不宜哉亦愈

不知士甚矣晏子自謂施北郭騷不得其人為

殺身以明己故曰嬰之亾豈不宜哉亦愈不知士甚矣自責深也

### 士節

三曰以富貴有人易以貧賤有人難今晉文公

出亾文公名重耳晉獻公之太子申生異母弟也遭麗姬之亂太子申生見殺重耳避難

奔翟十一年自翟經於諸國也周流天下窮一作矣賤矣而介

子推不去有以有之也反國有萬乘而介子推

去之無以有之也能其難能以貧賤有人也不能其易

不能以富貴有人也此文公之所以不王也力能霸德不能王也晉

文公反國一作介子推不肯受賞自為賦詩曰

有龍於飛周徧天下五蛇從之為之丞輔丞佐也輔

相也龍君也以喻文公五蛇以喻趙衰狐偃賈他魏犇介子推也龍反其鄉得

其處所四蛇從之得其露雨露雨膏澤一蛇羞之橋

死於中野懸書公門而伏於山下文公聞之曰

諱此必介子推也避舍變服令士庶人曰有能

得介子推者爵上卿田百萬百萬畝也或遇之山中

負釜一作貧文蓋登音登問焉曰請問介子推安在應

之曰夫介子推苟不欲見而欲隱吾獨焉知之

遂背而行終身不見人心之不同豈不甚哉今

世之逐利者早朝晏退焦脣乾嗑日夜思之猶

未之能得今得之而務疾逃之介子推之離俗

遠矣東方有士焉曰爰旌目將有適也而餓於

道狐父之盜曰丘見而下壺餐以舖之爰旌目

三舖之而後能視曰子何為者也曰我狐父之

人丘也爰旌目曰諱汝非盜耶胡為而食我吾

義不食子之食也兩手據地而吐之不出喀喀

然遂伏地而死昔者齊饑黔敖為食於路有人

嗟來食揚其目而應之曰吾唯不食嗟來之食

以至於此黔敖隨而謝之遂去不食而死君子

以為其嗟也可去其謝也可鄭人之下韃也韃

食一介相似旌目其類也莊躄楚成王之莊躄楚成王之

則未聞秦使白起圍趙括軍於秦使白起圍趙括軍於韓荆趙此三

國者之將帥貴人皆多驕矣其士卒衆庶皆多



壯矣因相暴以相殺脆弱者拜請以避死避猶免也  
其率遞而相食不辨其義冀幸以得活如爰旌  
目已食而不死矣惡其義而不肯不死今此相  
為謀豈不遠哉

### 誠廉

四曰石可破也而不可奪堅

性堅

卅可磨

一作靡注亦同

也而不可奪赤堅與赤性之有也性也者所受  
於天也非擇取而為之也豪士一作人之自好者  
其不可漫以汙也亦猶此也倍百人為豪昔周之將

興也有士二人處於孤竹曰伯夷叔齊

孤竹在遼西

殷諸侯國也

二人相謂曰吾聞西方有偏伯焉似將

有道者今吾奚為處乎此哉二子西行如周至

於岐陽則文王已歿矣武王即位觀周德則王

使叔旦就膠鬲於次四內

四內地名

而與之盟曰加

富三等就官一列為三書同辭血之以牲埋一

於四內皆以一歸又使保召公就微子開於共

頭之下

共頭木名

而與之盟曰世為長侯守殷常祀

相奉桑林宜私孟諸

相猶使也使奉桑林之樂孟澤名也為諸私邑也

為三書同辭血之以牲埋一於其頭之下皆以

一歸伯夷叔齊聞之相視而笑曰謔異乎哉此

非吾所謂道也昔者神農氏之有天下也時祀

盡敬而不祈福也時四時其於人也忠信盡治

而無求焉無所求於民也樂正與為正樂治與為治不

以人之壞自成也不以人之痺自高也今周見

殷之僻亂也而遽為之正與治遽疾也上謀而行

貨阻且而保威也行貨謂與膠鬲盟加富二等也阻依保持割牲而

盟以為信因四內與其頭以明行揚夢以說眾

宣揚武王威殷之夢以喜眾民殺伐以要利以此紹殷是以亂

易暴也紹續吾聞古之士遭乎治世不避其任任職

也力所能遭乎亂世不為苟在今天下闇周德衰矣

與其竝乎周以漫吾身也漫汗不若避之以潔吾

行二子北行至首陽之下而餓焉人之情莫不

有重莫不有輕莫不有重於天下也有所重則

欲全之有所輕則以養所重養所重不汗於武王為以全其忠也

伯夷叔齊此二士者皆出身棄生以立其意輕

重先定也伯夷叔齊讓國而去輕身重名故曰輕重先定

不侵

五曰天下輕於身而士以身為人

輕於身重於義也以身為人

人者為以身為人者如此其重也

淮南記曰左手據天下之

圖右手勿其喉愚夫不為也今以

義為人殺身故曰如此其重也

奚道相得

奚何也不知以何道得人乃令之為已死也

賢主必自知

士故士盡力竭智直言交爭而不辭其患

士為知已

者死故盡力竭智何患之辭也

豫讓公孫弘是矣當是時也智

伯孟嘗君知之矣

智伯知豫讓故為之報讎言士為知已者死也孟嘗君知

公孫弘故為之不受折於秦也

世之人主得地百里則喜四境

皆賀

舉國皆賀國中喜可知也

得士則不喜不知相賀不通

乎輕重也

不但不知相賀也乃不知賢也故曰不通乎輕重也

湯武千乘

也而士皆歸之

湯殷受命之王名天乙商主癸之子也武王周文王之子名發

桀紂天子也而士皆去之

桀夏失天下之主帝皋之孫帝發之子紂

殷失天下之王大丁之孫帝乙之子也

孔墨布衣之士也

孔子墨翟

乘之主千乘之君不能與之爭士也

萬乘天子也千乘諸

侯也士不歸之而歸孔墨故曰不能與之爭士也

自此觀之尊貴富大

不足以來士矣

來猶致也

必自知之然後可

可者可致也

豫讓之友謂豫讓曰子之行何其惑也子嘗事

范氏中行氏諸侯盡滅之而子不為報至於智氏而子必為之報何故豫讓曰我將告子其故

告語也故事也

范氏中行氏我寒而不我衣我饑而不

我食而時使我與千人共其養是眾人畜我也

夫眾人畜我者我亦眾人事之至於智氏則不

然出則乘我以車入則足我以養眾人廣朝而

必加禮於吾所謂國士畜我也夫國士畜我者

我亦國士事之豫讓國士也而猶以人之於已

也為念

於猶厚也

又况於中人乎孟嘗君為從

關東日從

公孫弘謂孟嘗君曰君不若使人西觀秦王意

者秦王帝王之主也君恐不得為臣何暇從以

難之

言不能成從以難秦也

意者秦王不肖主也君從以

難之未晚也

晚後

孟嘗君曰善願因請公往矣公

孫弘敬諾以車十乘之秦秦昭王聞之而欲醜

之以辭以觀公孫弘

昭王秦惠王之子武王之弟也醜或作恥恥辱也觀

公孫弘云何也

公孫弘見昭王昭王曰薛之地小大幾

何公孫弘對曰百里昭王笑曰寡人之國地數

千里猶未敢以有難也今孟嘗君之地方百里

而因欲以難寡人猶可乎公孫弘對曰孟嘗君好士大王不好士昭王曰孟嘗君之好士何如公孫弘對曰義不臣乎天子不友乎諸侯得意則慙為人君不得意則不肖為人臣如此者三人有此者三人也能治可為管商之師管仲商鞅說義聽行其能致主霸王如此者五人有此者五人也萬乘之嚴主辱其使者退而自刎也必以其血汙其衣有如臣者七人臣公孫弘自謂也故言有如臣者七人也昭王笑而謝焉曰客胡為若此寡人善孟嘗君欲客之必謹

諭寡人之意也

諭明也

公孫弘敬諾公孫弘可謂

不侵矣昭王大王也孟嘗君千乘也立千乘之

義而不可凌

凌侮也

可謂士矣

孔子曰使於四方不辱君命可謂士

矣此之謂也

序意

一作廉孝

維秦八年歲在涪灘

八年秦始皇即位八年也歲在申名涪灘涪大也灘

循也萬物皆大循其情性也涪灘誇人短舌不能言為涪灘也

秋甲子朔朔之

日良人請問十二紀

良人君子也

文信侯曰

呂不韋封洛陽

號文信侯

嘗得學黃帝之所以誨顓頊矣爰有大圖

在上大矩在下

圍天也矩方地也

汝能法之為民父母

蓋聞古之清世

清平

是法天地凡十二紀者所以

紀治亂存亡也所以知壽夭吉凶也上揆之天

下驗之地中審之人若此則是非不可無所

遁矣天曰順順維生地曰固固維寧人曰信信

維聽三者咸當無為而行行也者行其理也行

數循其理平其私夫私視使目盲私聽使耳聾

私慮使心狂三者皆私設精則智無由公

公正也

智不公則福日衰災日隆

隆盛

以日倪而西望知

之

日中而盛跌而衰人之盛衰於此西望日暮也故曰倪而西望之也

趙襄子游

於囿中至於梁馬却不肯進青莽

一作莽

為參乘

襄子曰進視梁下類有人

類象也

青莽進視梁下

豫讓却寢佯為死人叱青莽曰去長者吾且有

事

言將殺襄子

青莽曰少而與子友子且為大事而

我言之是失相與友之道子將賊吾君而我不

言之是失為人臣之道如我者惟死為可適

可得

也乃退而自殺青莽非樂死也重失人臣之節

惡廢交友之道也青莽豫讓可謂之友也

呂氏春秋卷第十二

呂氏春秋卷第十三

漢河東高誘訓解

明新安汪一鸞重訂

有始覽

有始

一曰天地有始天微以成地塞以形

始初也天陽也虛而

能施故微以生萬物地陰也實而能受故塞以成形此也

天地合和生之大

經也

經猶道也

以寒以暑日月晝夜知之

知猶別也

以殊

形殊能異宜說之

形能各有所施故說譯之也

夫物合而成

離而生知合知成知離知生則天地平矣

合和平也

成也平也者皆當察其情處其形一作平也者皆反其情變其形

也天有九野地有九州土有九山山有九塞澤

有九藪險阻曰塞有水曰澤無水曰藪風有八等水有六川何

謂九野中央曰鈞天其星角亢氏鈞平也為四方主故曰鈞

天角亢氏東方宿韓鄭分野東方曰蒼天其星房心尾東方二月

建卯木之中也木青色故曰蒼天房心尾東方二月東北曰

變天其星箕斗牽牛東北木之季陰氣所盡陽氣所始萬物向生故曰變

天斗牛北方宿箕尾一名析木北方曰玄天其

星婺女虛危營室北方十一月建子水之中也水色黑故曰玄天也婺女亦

越之分野虛危齊越之分野營室衛西北曰幽天其星東壁奎婁

西北金之季也將即太陰故曰幽天東壁北方宿一名豕鬻衛之分野奎婁西方宿一名降婁

魯之分野西方曰顛天其星胃昴畢西方八月建酉金之中也金色

白故曰顛天昴畢西方宿一名大梁趙之分野西南曰朱天其星觜雉

參東井西南火之季九為少陽故曰朱天雉參西方宿一名實沈晉之分野東井南方

秦之分野南方曰炎天其星輿鬼柳七星南方

五月建午火之中也火曰炎上故曰炎天輿鬼南方宿亦秦之分野柳七星南方宿一名鶉火

周之分野東南曰陽天其星張翼軫東南木之季也將即太陽純乾

用事故曰陽天張翼北方宿張翼周將即太陽純乾何謂九州



河漢之間為豫州周也

河在北漢在南故曰之間

兩河之間

為冀州晉也

東至清河西至西河

河濟之間為兗州衛也

濟經其南

東方為青州齊也泗上為徐州魯也

泗水名也

東南為揚州越也南方為荊州楚也西方

為雍州秦也北方為幽州燕也何謂九山會稽

太山

會稽山在今會稽郡太山在今太山郡是為東嶽也

王屋首山太華

王屋在河東垣縣東北濟水所出也首山在蒲坂之南河曲之中伯夷所隱太華在弘農華陰

縣是為西嶽也岐山太行羊腸孟門

岐山在右扶風美陽縣西北周家所

邑太行在河內野王縣北羊腸其山盤紆譬如羊腸

何謂九塞大汾冥阨

荆阮方城

大汾處未聞冥阨荆阮方城皆在楚魯定四年吳伐楚楚左司馬請直轅

冥阨以擊吳人者也

殺井陘處句注居庸

殺在弘農城池縣西井陘

在常山井陘縣通大原關今處則未聞句注在鴈門居庸在上谷沮陽之東通居都關也

何謂九藪

藪澤也有水曰藪澤無水曰藪

吳之具區

具區在吳越之間

楚之雲夢

雲夢在南郡華容

秦之陽華

陽華在鳳翔或曰在華陰西

晉之大陸

魏獻子所居猶楚之華容也

梁之圃田

圃田在今河南中牟

宋之孟諸

孟諸在梁國睢陽之東南

齊之海隅

隅猶崖也趙之鉅

鹿

廣阿澤也燕之大昭

大昭今大原郡是也

何謂八風東北曰

炎風

炎風良氣所生一日融風

東方曰滔風

震氣所生一日明庶風

東

南曰熏風

熏風或作景風異氣所生一日曰清明風

南方曰巨風

離

所生一日曰凱風詩曰凱風自南

西南曰淒風

坤氣所生一日曰涼風

西方曰

颼風

兌氣所生一日曰閭闔風

西北曰厲風

乾氣所生一日曰不周風

北

方曰寒風

坎氣所生一日曰廣莫風

何謂六川河水赤水遼

水黑水江水淮水

河出崑崙崙崙東北陬赤水出其東南陬遼水出砥石山自塞

北東流直至遼東之西南入海黑水出崑崙崙西陬外淮水出桐栢山

在南陽平氏縣也

凡四海之內東西二萬八千里南北

二萬六千里

子午為經卯酉為緯四海之內緯長經短

水道八千里

受水者亦八千里通谷六名川六百陸注三千

小水萬數

陸無水水盛內乃注之也

凡四極之內東西五億

有九萬七千里南北亦五億有九萬七千里

東海

西長南北極內等

極星與天俱遊而天樞不移

極星辰星也語

日譬如北辰居其所而眾星拱之故曰不移

冬至日行遠道周行四

極命曰玄明

遠道外道也故曰周行四極玄明大明也

夏至日行近

道乃參于上當樞之下無晝夜

近道內道也乃參倍于上下日

高也當樞之下分明不寘

白民之南建木之下

日中無影呼而無響蓋天地之中也

白民之國在海外極

內建木在廣都南方眾帝所從上下也復在白民之南建木狀如牛豕之有皮黃葉若羅也日

正中將下日直人下皆無影大相呼呼又無音響音人聲故謂蓋天地中也天地萬物

一人之身也此之謂大同以一人身喻天地萬物易曰近取諸身遠

取諸物故曰大同也眾耳目鼻口也眾五穀寒暑也此之

謂眾異則萬物備也天斟一作堪注亦同萬物聖人覽

焉以觀其類天斟輸萬物聖人總覽以知人也解在乎天地之

所以形天地之初始成形也雷電之所以生震氣為雷激氣為電始生

也時陰陽材物之精陰陽皆由天地陰陽例萬物也人民禽獸之

所安平人民禽獸動作萬物皆由天地陰陽以生各得其所樂故曰之所安平也

名類

二曰凡帝王者之將興也天必先見祥乎下民

祥徵應也黃帝之時天先見大曠大饘蝻蝻曠虺黃

帝曰土氣勝土氣勝故其色尚黃其事則土則法

也法土色尚黃及禹之時天先見草木秋冬不殺禹曰

木氣勝木氣勝故其色尚青其事則木法木色白及

湯之時天先見金亦生於水湯曰金氣勝金氣

勝故其色尚白其事則金法金色白及文王之時天

先見火赤鳥銜冊書集於周社文王曰火氣勝

火氣勝故其色尚赤其事則火法火色赤代火者必

呂氏春秋 卷之三 四

將水天且先見水氣勝水氣勝故其色尚黑其

事則水法水色黑水氣至而不知數備將徙一作于

土天為者時而不助農於下助猶成也顛固相召氣

同則合聲比則應應短鼓宮而宮動鼓角而角動

鼓擊也擊大宮而小宮應擊大角而小角知言類相感也平地注水水流濕

均薪施火火就燥水流濕者先濡火就燥者先燃山雲草莽水

雲角隲旱雲煙火雨雲水波無不皆顛其所生

以示人故以龍致雨以形逐影師之所處必生

棘楚軍師訓罰以殺伐為首棘楚以戰人喜生戰地故生其處也禍福之所

自來眾人以為命安知其所自從也凡人以為天命不知其所由

也夫巢覆毀卵則鳳凰不至剝獸食胎則麒麟

不來乾澤涸漁則龜龍不往物之從同不可為

記子不遮乎親臣不遮乎君遮後君同則來異

則去故君雖尊以白為黑臣不能聽聽從父雖親

以黑為白子不能從黃帝曰芒昧因天之威一作

道與元同氣芒芒昧昧廣大之貌天之威無不敬也非同氣不協故曰同

氣賢於同義同義賢於同力同力賢於同居同

居賢於同名帝者同氣同元王者同義同仁霸

者同力

同武力也

勤者同居則薄矣

同居於世

亡者同名

則猶矣

同名不仁不義麤惡也

其智彌猶者其所同彌猶

其智彌精者其所同彌精

精微妙也

故凡用意不可

不精夫精五帝三王之所以成也成齊顛同皆

有合故堯為善而眾善至桀為非而眾非來

一本

作桀為惡而眾惡來

商箴云天降災布祥竝有其職以言

禍福人或召之也

職主也召致也

故國亂非獨亂也又

必召寇獨亂未必亡也召寇則無以存矣

存在也

凡兵之用也用於利用於義攻亂則脆脆則攻

者利攻亂則義義則攻者榮榮且利中主猶且

為之况於賢主乎故割地寶器卑辭屈服不足

以止攻惟治為足

足止人攻

治則為利者不攻矣為

名者不伐矣凡人之攻伐也非為利則因為名

也名實不得國雖疆大者曷為攻矣解在乎史

墨來而輟不襲衛趙簡子可謂知動靜矣

去尤

三曰世之聽者多有所尤多有所尤則聽必悖

矣所以尤者多故其要必因人所喜與因人所

惡東面望者不見西墻南鄉視者不覩北方意  
有所在也人有亡鈇者意其鄰之子視其行步  
竊鈇也顏色竊鈇也言語竊鈇也動作態度無  
爲而不竊鈇也相其谷而得其鈇一作筭其舌  
而得其鈇  
他日復見其鄰之子動作態度無似竊鈇者其  
鄰之子非變也已則變矣變也者無他有所尤  
也邾之故法爲甲裳以帛綴甲公息忌一作謂  
邾君曰不若以組凡甲之所以爲固者以滿竅  
也今竅滿矣而任力者半耳且組則不然竅滿

則盡任力矣邾君以爲然曰將何所以得組也  
公息忌對曰上用之則民爲之矣邾君曰善下  
令令官爲甲必以組公息忌知說之行也因令  
其家皆爲組人有傷之者曰公息忌之所以欲  
用組者其家多爲組也邾君不說於是復下令  
令官爲甲無以組用此邾君之有所尤也爲甲  
以組而便公息忌雖多爲組何傷也以組不便  
公息忌雖無組亦何益也爲組與不爲組不足  
以累公息忌之說用組之心不可不察也魯有

惡者醜惡其父出而見商咄反而告其鄰曰商咄不若吾子矣且其子至惡也商咄至美也彼以至美不如至惡尤乎愛也故知美之惡知惡之美然後能知美惡矣莊子曰以瓦投者翔以鈎投者戰以黃金投者殆其祥一也而有所始者必外有所重者也外有所重者泄蓋內掘魯人可謂外有重矣解在乎齊人之欲得金也及秦墨者之相妬也皆有所乎尤也老聃則得之矣若植木而立乎獨必不合於俗則何可擴矣

### 聽言

四曰聽言不可不察不察則善不善不分善不善不分亂莫大焉三代分善不善故王今天下彌衰聖王一作人之道廢絕世主多盛其歡一作觀樂大其鐘鼓侈其臺榭苑囿以奪人財輕用民死以行其忿老弱凍餒夭勝壯狡汔盡窮屈加以死虜攻無辜之國以索地誅不辜之民以求利而欲宗廟之安也社稷之不危也不亦難乎今人曰某氏多貨其室培濕守狗死其勢可穴

也則必非之矣曰某國饑其城郭痺其守具寡  
 可襲而篡之則不非之乃不知類矣周書曰往  
 者不可及來者不可待賢明其世謂之天子故  
 當今之世有能分善不善者其王不難矣善不  
 善本於義不於愛愛利之為道大矣夫流於海  
 者行之旬月見似人者而喜矣及其暮年也見  
 其所嘗見物於中國者而喜矣夫去人滋久而  
 思人滋深歟亂世之民其去聖王亦久矣其願  
 見之日夜無間故賢王秀士之欲憂黔首者不

可不務也也務勉功先名事先功言先事不知事

惡能聽言不知情惡能當言安能使其言當合於事乎其與

人穀言也其有辯乎其無辯乎穀善言辯別也造父始

習於大豆蠶門始習於其蠅習學也大豆其蠅蓋御射人姓名也

御大豆射其蠅而不徙人以爲性者也專學不徙以得

深不徙之所以致遠追急也所以除害禁暴也

專學大豆其蠅之法而不徙之故御得御可以致遠追急射而發中可以除害禁暴也凡

人亦必有所習其心然後能聽說不習其心習

之於學問不學而能聽說者古今無有也解在



平白圭之非惠子也

白圭周人也惠子惠施仕魏

公孫龍之

說燕昭王以偃兵及應空洛之遇也孔穿之議

公孫龍翟翦之難惠子之法此四士者之議皆

多故矣不可不獨論

公孫龍孔穿翟翦皆辯人

謹聽

五曰昔者禹一沐而三捉髮一食而三起以禮

有道之士通乎已之不足也

欲以問知所不知也故曰通乎已之

不足通乎已之不足則不與物爭矣

情欲之愉易物不爭

平靜以待之使夫自得以

一作

之因然而然之使

夫自言

一作寧

之亡國之主反此乃自賢而少人

少人則說者持容而不極

極至

聽者自多而不得

自多自賢也

雖有天下何益焉是乃冥之昭亂之定

敗

一作毀

之成危之寧

以冥為明以亂為定以毀為成以危為寧也

故

殷周以亡比干以死諄而不足以舉

殷周以亂而亡比干

以忠而死不當亂而亂不可為忠而忠故悖重不可勝舉

故人主之性

一作任

莫過乎所疑而過於其所不疑

所疑者不敢行故不過也其所

不疑者不可而行之故以為過

不過乎所不知而過於其所以

知

所不可施而必為故曰過於其所以知

故雖不

疑雖已知必察之以法揆之以量驗之以數其所

不疑其所已知俗主所專用而賢主能以法制行之以度量揆之以數術驗之若此則

是非無所失而舉措無所過矣其慎所不疑審所已知故不失

也夫堯惡得賢天下而試舜舜惡得賢天下而

試禹惡安試用也何以得賢於天下能用舜禹斷之於耳而已矣耳

之可以斷也反性命之情也反本今夫惑者非知

反性命之情惑眩也其次非知觀於五帝三王之

所以成也成其治則奚自知其世之不可也奚自

知其身之不逮也奚同也逮及也太上知之其次知其

不知生自知其上也其不知則問不能則學周

箴曰夫自念斯學德未暮暮學賢問三代之所

以昌也學賢知昌盛也不知而自以為知百禍之宗也

宗本也論語曰不知為不知夫不知者而自以為知則反於道百禍歸之故曰百禍之宗也

名不徒立功不自成國不虛存必有賢者惟賢者然

後立名成功而存其國也傳曰賢者之道牢而

難知妙而難見牢猶大也賢者之道磊落不凡惟義所在非不肖所及故難知

也其仁愛物本於中心精妙幽微亦非不肖所及故難見也故見賢者而不

聳則不惕於心不惕於心則知之不深不深知賢者師

法之也 不深知賢者之所言不祥莫大焉祥善也 主

賢世治則賢者在上位在 主不肖世亂則賢者

在下今周室既滅而天子已絕周厲王無道流於彘而滅亂無

天子十一年 故曰已絕 莫大於無天子無天子則疆者勝

弱衆者暴寡以兵相殘不得休一作暫 息今之世

當之矣當其時也 故當今之世求有道之士則於四

海之內山谷之中僻遠幽間之所所處也 若此則

幸於得之矣得之則何欲而不得何爲而不成

得賢則欲而得爲而成也 太公鈞於滋泉遭紂之世也故文

王得之而文王千乘也紂天子也天子失之而

千乘得之知之與不知也文王知太公賢是以得之紂不知賢是以

失之故曰知與不知也 諸衆齊民不待知而使不待禮而

令令一作合齊民凡民非一故言諸衆 若夫有道之士必禮必知

然後其智能可盡可盡得而用也 解在乎勝書之說周

公可謂能聽矣齊桓公之見小臣稷魏文侯之

見田子方也皆可謂能禮士矣能禮士故曰得士商紂不能禮

士故失太公以滅亡也

務本

六曰務本

六曰嘗試觀上古記三王之佐其名無不榮者

其實無不安者功大也上古記上世古書也名者爵位名也實者功實

也詩云有暍淒淒興雲祁祁雨我公田遂及我

私詩小雅大田之三章也暍陰雨也陰陽和時雨祁祁然不暴疾也古者井田十一而稅公

田在中私田在外民有禮讓之心故願先公田而及私也三王之佐皆能以

公及其私矣俗主之佐其欲名實也與三王之

佐同而其名無不辱者其實無不危者無公故

也皆患其身不貴於國也而不患其主之不貴

於天下也皆患其家之不富也而不患其國之

不大也此所以欲榮而愈辱欲安而益一作危

安危榮辱之本在於主主之本在於宗廟宗廟

之本在於民民之治亂在於有司有司於周禮為太宰掌建

國之六典以佐王治邦國以治官府以紀萬民此之謂也易曰復自道何其

咎吉乾下巽上小畜初九復自道何其咎吉乾為天天道轉運為乾初得其位既天行周

匝復始故曰復自道也得自進退又何咎乎動而無咎故吉也以言本無異則

動卒有喜乾動反其本終復始無有異故卒有喜也今處官則荒亂

臨射則貪得多欲列近則持諫列位也持諫不公將衆則

罷怯罷勞也怯無勇以此厚望於主豈不難哉多厚今有

呂氏春秋 卷十三

人於此修身會計則可一作恥臨財物資盡則

為已盡猶畧也無不克仍以為已若此而富者非盜則無所

取詩云不稼不穡胡取禾三百億兮不狩不獵胡瞻爾庭有縣特今故曰非盜則無所取

故榮富非自至也緣功伐也今功伐甚薄而所

望厚誣也以薄獲厚為誣也無功伐而求榮富詐也以

取之為詐詐誣之道君子不由由用人之議多曰上

用我則國必無患用已者未必是也而莫若其

身自賢有人於此言用我者則國無患而使用之未必然也使無患莫若自修其身之

也賢也而已猶有患用已於國惡得無患乎猶尚已惡安

所制也釋其所制而奪乎其所不制諄言身者已所自

制也釋已而不修故曰奪乎所不制乃諄諄之道也未得治國治官可也

官小政也推此言之若此人者未任為大臣但可小政也若夫內事親外交

友必可得也苟事親未孝交友未篤是所未得

惡能善之矣故論人無以其所未得而用其所

已得可以知其所未得矣以其孝得於親則知必忠於君也以其所

行能高仁義知必輕身故可以知其未得也古之事君者必先服能

然後任服其能堪任也必反情然後受反情常內省也受受祿也主

雖過與臣不徒取多過大雅曰上帝臨汝無貳爾

心以言忠臣之行

一作徒

也 大雅大明之十一章也言天臨命武王伐

紂必克之不敢有疑心喻君命臣齊一專心輸力不敢惑忠臣之行也

解在鄭君

之問被瞻之義也

見務大論被瞻知齊國衰亂桓公之薨流蟲出戶蓋不聽

管仲臨終之言因諷鄭君

薄疑應衛嗣君以無重稅此二士

者皆近知本矣

嗣君平侯之子也秦貶稱君薄疑勸嗣君以王者富民故曰無

重稅也

### 論大

七日昔舜欲旗

一作禡

古今而不成

旗覆也

既足

以成帝矣禹欲帝而不成既足以正殊俗矣

殊俗

異方之俗也

湯欲繼禹而不成既足以服四荒矣

四表

之荒服也

武王欲及湯而不成既足以王道矣五霸

欲繼三王而不成既足以為諸侯長矣孔丘墨

賢之名

翟欲行大道於世而不成既足以成顯名矣

聖名

夫大義之不成既有成矣已夏書曰天子

之德

一作惠一作位

廣運乃神乃武乃文

逸書也

故務在

事事在大

事為

地大則有常祥不庭岐毋群抵

一作

天翟

常祥不庭群抵岐毋天翟皆獸名也

不周山大則有虎豹

熊羆

皆獸名不周山在翟

水大則有蛟龍鼉鼉鱣鱣

魚

千斤為蛟龜可作羨傳曰楚人獻龜於鄭靈公

不與公子宋龜羨公子怒染指於鼎嘗之而出

鼉魚皮可作鼓詩云鼉鼓鼉鼉發發

之廟可以觀恠逸書喻山大水大生大物廟者鬼神之所在五世久遠故於其所觀恠物萬夫之長可以生謀長大也大故可以成奇謀也

室中之無澤陂也井中之無大魚也淮南記曰

容鶴卵此之謂也新林之無長木也言未久也凡謀物之成

也必由廣大衆多長久信也季子曰燕雀爭善

處於一屋之下子母相哺也姁姁焉相樂也自

以為安矣竈突决則火上焚棟燕雀顏色不變

是何也乃不知禍之將及已也為人臣免於燕

雀之智者寡矣夫為人臣者進其爵祿富貴父

子兄弟相與比周於一國姁姁焉相樂也以危

其社稷其為竈突近也而終不知也其與燕雀

之智不異矣故曰天下大亂無有安國一國盡

亂無有安家一家皆亂無有安身此之謂也故

小之定也必恃大大之安也必恃小小大貴賤

交相為恃一作贊然後皆得其樂定賤小在於貴

大淮南記曰牛馬之氣烝生蟻蝨蟻蝨氣烝不能生牛馬小不能生大故曰定賤小在於貴

大解在乎薄疑說衛嗣君以王術見務大論杜赫說

周昭文君以安天下杜赫周人杜伯之後昭文君周末世分東西之後君

號也說在務大論及匡章之難惠子以王齊王也匡章乃孟

軻所謂通國稱不孝者能王齊王亦大也

### 呂氏春秋卷第十四

#### 漢河東高誘訓解

明新安汪一鸞重訂

### 孝行覽

#### 孝行

一曰凡為天下治國家必務本而後末詹何曰身治而

國不治者未之有也故曰必務本所謂本者非耕耘種殖之謂

務其人也務猶求也務其人非貧而富之寡而眾之

眾多也務其本也務本莫貴於孝孝為行之本也

人貴也人主孝則名章榮下服聽天下譽譽樂也孔子曰



昔者明王之以孝治天下也不敢遺小國之人臣而况於公侯伯子男乎故得萬國之歡心

**臣孝則事君忠處官廉臨難死**孝於親故能忠於君孝經曰以

孝事君則忠此之謂也處官廉孝經曰修身慎行恐辱先也此之謂也臨難死君父之難視死

如歸義重身輕也**士民孝則耕芸疾守戰固不罷北**耕

疾用天之道分地之利衣食足知榮辱故守則堅戰必克無退走者**夫孝三皇五**

**帝之本務而萬事之紀也**三皇伏羲神農女媧也五帝軒轅帝顓頊

帝嚳高辛帝堯陶唐帝舜有虞也紀猶貫因也**夫執一術而百善至百**

**邪去天下從者其惟孝也**一術故論人必先以

孝術**所親而後及所疏**先本後末必先以所重而後

**及所輕**所重謂其親所輕謂他人**今有人於此行於親重而**

**不簡慢於輕疏則是篤謹孝道**有人行孝敬於其親以及人之

親故不敢簡慢於輕疏者是厚慎孝道之謂也**先王之所以治天下也**

先王以孝治天下**故愛其親不敢惡人敬其親不敢慢**

**人愛敬盡於事親光耀加於百姓**加施**寃於四**

**海**寃極也**此天子之孝也曾子曰身者父母之遺**

**體也行父母之遺體敢不敬乎**敬畏慎也**居處不莊**

**非孝也**莊敬**事君不忠非孝也**忠正也**莅官不敬非**

**孝也**莊臨也**朋友不篤非孝也**篤信也**戰陣無勇非**

孝也

楊子曰孟軻勇於義勇而立義揚名于後世孝之終也

五行不遂災

及乎親敢不敬乎

遂成

商書曰刑三百罪莫重於

不孝

商湯所制法也

曾子曰先王之所以治天下者五

貴德貴貴貴老敬長慈幼此五者先王之所以

定天下也

定安也

所謂貴德為其近於聖也所謂

貴貴為其近於君也所謂貴老為其近於親也

所謂敬長為其近於兄也所謂慈幼為其近於

弟也曾子曰父母生之子弗敢殺父母置之子

弗敢廢

置立

父母全之子弗敢闕

闕猶毀也

故舟而不

游道而不徑能全支體以守宗廟可謂孝矣

濟水

載舟不游涉行道不從邪徑為逸沒溺畏險之害故曰能全支體以守宗廟

養有五

道修宮室安牀第節飲食養體之道也

節飲食肉雖多

不使勝食氣修宮室不上漏下濕故曰養體之道也

樹五色施五采列文

章養目之道也

列別也青與赤謂之文赤與白謂之章以極目觀故曰養目之道

道正六律

六律黃鐘夷則太簇沽洗蕤賓無射

和五聲

五聲宮商角徵羽也

雜八音養耳之道也

八音八卦之音雜會之以聽耳故曰養耳之道

熟

五穀烹六畜和煎調養口之道也

熟五穀烹芻豢和快口腹

故曰養

和顏色說言語敬進退養志之道也

和顏

色以說父母之志意故曰養志之道此五者代進而厚用之可謂

善養矣代更更次用之以便親性可謂為善養親也樂正子春下堂

而傷足瘳而數月一作三不出猶有憂色門人

問之曰夫子下堂而傷足瘳而數月不出猶有

憂色敢問其故故事也樂正子春曰善乎而問之

而汝也吾聞之曾子曾子聞之仲尼父母全而生

之子全而歸之不虧其身不損其形可謂孝矣

君子無行咫尺而忘之余忘孝道是以憂故曰

身者非其私有也私猶獨也嚴親之遺躬也躬體民之

本教曰孝本始其行孝曰養養可能也敬為難行敬

之難敬可能也安為難安寧其親難也安可能也率為難

卒父母既沒敬行其身無遺父母惡名可謂能

終矣禮者履此者也履義者宜此者也信者信

此者也疆者疆此者也樂自順一作慎此生也刑

自逆此作也能順行無遺父母惡名故樂生也逆之則刑辟作也

### 本味

二曰求之其本經句必得求之其末勞而無功

雖久無所得也功名之立由事之本也得賢之化也得賢

人與之共治以立其功非賢其孰知乎事化一作

民故曰其本在得賢有佻氏女子採桑得嬰兒

于空桑之中佻讀曰莘獻之其君其君令焯人養之

焯猶察其所以然察省曰其母居伊水之上孕身任

為孕為夢有神告之曰曰出水而東走母顧明日視

曰出水告其鄰東走十里而顧其邑盡為水身

因化為空桑伊尹母化故命之曰伊尹此伊尹

生一作空桑之故也長而賢湯聞伊尹使人請

之有佻氏有佻氏不可伊尹亦欲歸湯湯於是

請取婦一作為婚有佻氏喜以伊尹為媵送女

故賢主之求有道之士無不在以以用為有道

之士求賢主無不行也為媵言必行也相得然後樂賢主

得賢臣賢臣得賢主不謀而親不約而信相為

殫智竭力犯危行苦殫竭皆盡也危難也苦勤也志歡樂之

此功名所以大成也固不獨固必士有孤而自

恃人主有奮而好獨者則名號必廢熄熄滅也社

稷必危殆故黃帝立四面堯舜得伯陽續耳然

後成黃帝使人四面出求賢人得之立以為佐故曰立四面也伯陽續耳皆賢人堯用之

以成功也凡賢人之道一作德有以知之也知其賢乃得而用之

伯牙鼓琴鍾子期聽之方鼓琴而志在太山鍾

子期曰善哉乎鼓琴巍巍乎若太山少選之間

而志在流水少選須臾之間也志在流水進而不解也鍾子期又曰

善哉乎鼓琴湯湯乎若流水鍾子期死伯牙破

琴絕絃終身不復鼓琴以為世無足復為鼓琴

者伯姓牙名或作雅鐘氏期名子皆通稱悉楚人也少善聽音故曰為世無足為鼓琴也

非獨琴若此也賢者亦然世無賢者亦無所從受禮義法則與共治

也國雖有賢者而無禮以接之賢奚由盡忠猶御

之不善驥不自千里也言不肖者無禮以接賢者賢者何用盡其忠乎

若不知御者御驥驥亦不為之從千里也湯得伊尹校之於廟爨以

燿火爨以犧猥周禮司燿掌行火之政令火者所以被除其不祥置火於桔臬

爨以照之爨以牲血塗之日爨燿讀曰權衡之權明日設朝而見之說

湯以至味為湯說湯曰可對而為乎對曰君之

國小不足以具之為天子然後可具夫三群之

蟲三群謂水居肉獲草食者也水居者腥肉獲者臊草食者

羶水居者川禽魚鱉之屬故其臭腥也肉具者獲羶肉而食之謂鷹鵬之屬故其臭臊也草食者食草木謂麋鹿臭惡猶羶皆有所

之屬故其臭羶也臭惡猶羶

若蜀人之作羊腊以臭為美各有所用也凡味之本水最為始五味

三材五行之數水第一故曰水竄為始九沸九

變火之為紀紀猶節也品味待火然時疾時徐

滅腥去臊除羶必以其勝無失其理用火熟食或熾或微

治除臊腥勝去其臭故曰必以其勝也齊和之節得其中適故曰無失其理也調和之

事必以甘酸苦辛鹹先後多少其齊甚微皆有

自起齊和分也自從也鼎中之變精妙微纖口弗能言

志弗能喻鼎中品味分齊纖微故曰不能言也若射御

之微陰陽之化四時之數射者望毫毛之近而中藝於遠也御者執

轡於手調馬口之和而致萬里故曰若射御之

微也陰陽之化而成萬物也四時之數春生夏

長秋收冬藏物有異功也故久而不弊熟而不爛弊敗也爛

語云失甘而不噉一作酸而不酷鹹而不減辛

而不烈澹而不薄肥而不膩言皆得其中適肉之美者

猩猩之唇獾獾之炙猩猩獸名也人面狗軀而長尾獾獾鳥名其形未聞

隼隼鳥名也翠厥也述蕩之擊獸名擊讀

如椀椀之椀擊者如椀椀之椀擊者旄象之約旄旄牛也在西方

也約節也以旄牛之尾象獸之齒以飾物流沙之

西丹山之南有鳳之丸丸古邠字也流沙自流行故曰流沙在燉煌西

八百里丹山在南方丹澤之沃民所食食鳳卵也沃之

山也二處之表有鳳凰之卵國在西方魚之美者洞庭之鱖東海之鮪洞庭江水所經之澤

名也鱖鮪魚名醴水之魚名曰朱鼈六足有珠也一云魚子也

百碧醴水在蒼梧環九疑之山藿一作水之魚

名曰鱣其狀若鯉而有翼藿水在西極若常從

西海夜飛游於東海鱣從西海至東海乘雲氣而飛菜之美者

崑崙之蘋崑崙山名在西北其高九萬八千里蘋大蘋水藻也壽木之華

壽木崑崙山上木也華實也食其實者不死故曰壽木指一作姑之東中

容之國有赤木玄木之葉焉指姑乃姑餘山名也在東南方淮南

記曰軼題難於姑餘是也赤木餘脊一作之南

南極之崖一作有菜其名曰嘉樹其色若碧

南方山名也有嘉美之菜故曰嘉樹食之而虛若碧青色陽華之芸

名也芸芳菜也在吳越之間雲夢之芹雲夢楚澤具區之菁

具區澤名吳越之間菁菜名浸淵深淵也處則未

聞華言其美和之美者陽樸之薑招搖之桂陽樸

善土英華也地名在蜀郡招搖山名在桂陽禮記曰越駱之

茵鱸鮪之醢越駱國名茵竹筍也鱸鮪大魚也

大夏之鹽宰揭之露其色如玉大夏澤名或曰山名在西北鹽

形鹽宰揭山長澤大澤在西方大飯名處則未聞長澤之卵鳥之卵卵大如甕也

之美者玄山之禾不周之粟飯食也玄山處則未聞不周山名在

西北方崑陽山之稔南海之秬山南曰陽崑崙

在南海南方之海稔關西謂之糜冀州謂之豎秬黑黍也水之美者三危之

露三危西極山名崑崙之井井沮江之丘名曰搖水

如江旁之泉水曰山之水高泉之山其上有涌泉焉冀

州之原皆西方之山泉也冀州在中央水泉果

之美者沙棠之實沙棠木名也常山之北投淵

之上有百果焉群帝所食有覈曰果無覈曰蘇

箕山之東青島之所有其櫨焉箕山許由所隱

之西青島崑崙山之東江浦之橘雲夢之柚浦

二處皆有其櫨之果漢上石耳所以致之漢

也櫨所生也生江北則馬之美者青龍之

匹遺風之乘匹乘皆馬名周禮七尺以非先為

天子不可得而具天子不可疆為必先知道當

順天命而受之不可以疆道者止彼在已彼謂

已成而天子成已成仁義之道而成為天子天

子成則至味具天子貢珍故審近所以知遠也



成已所以成人也聖王之道要矣豈越越多業

哉要約也越越輕易之貌業事也聖王得仁義約要之道以化天下天下化之豈必越越然

輕易多為民之事也

首時一作昏時

三日聖人之於事似緩而急似緩謂無為也似急謂成功也

遲而速以待時謂若武王會于孟津八百諸侯皆曰紂可伐矣武王曰汝未知

天命也還歸二年似遲也甲子之日克紂于牧野故曰待時王季歷因而死

文王苦之王季歷文王之父也勤勞國事以至薨沒故文王哀思苦痛也有不

忘羨里之醜時未可也紂為無道拘文王于羨里不忘其醜恥也所以

不伐紂者天時之未可也武王事之夙夜不懈亦不忘王門

之辱武王繼位雖臣事紂不忘文王為紂所拘於羨里之辱文王得歸乃作靈臺作王門相女童鐘鼓示不與紂同也

武王以此為恥而不忘也立十二年而成甲

子之事立為天子也甲子之日尅紂牧野故曰成甲子之事時固不易得

固常也大公望東夷之士也太公望河內人也於周豐鎬為東故曰東

夷之士欲定一世而無其主王謂賢君聞文王賢文謚也經

天緯地日文故鈞于渭以觀之渭水名近豐鎬文王所邑也觀視文王之

德能有天下也伍子胥欲見吳王而不得吳王王僚也王夷昧之庶

長客有言之於子光者見之而惡其貌不聽其

說而辭之

先惡子胥之顏貌不受其言辭謝之也

客請之王子光

王子光曰其貌適吾所甚惡也

請問也惡憎也

客以聞

伍子胥伍子胥曰此易故也

故事

願令王子居於

堂上重帷而見其衣若手請因說之王子許

言於

重帷中見衣若手者為說霸國之說也許諾

伍子胥說之半王子光

舉帷搏其手而與之坐

搏執子胥之手與之俱坐聽其說

說畢

王子光大說

子胥說霸術畢子光大說其將必用之也

伍子胥以為

有吳國者必王子光也退而耕于野七年王子

光代吳王僚為王任子胥子胥乃修法制下賢

良選練士習戰鬪六年然後大勝楚于柏舉

柏舉

楚南鄙邑九戰九勝追北千里

北走也

昭王出奔隨遂

有郢

郢楚都傳云五戰及郢

親射王宮鞭荆平之墳三百

平王恭王之子棄疾也後改名熊居聽費無忌之讒殺伍子胥父兄故子胥射其宮鞭其墳也

鄉之耕非忘其父之讎也待時也

鄉曩者始之吳時耕於吳

境待天時須楚之罪孰也

墨者有田鳩欲見秦惠王

田鳩齊人學墨

子術惠王孝公之子駟也

留秦三年而弗得見客有言之於

楚王者往見楚王楚王說之與將軍之節以如

秦

如之也

至因見惠王告人曰之秦之道乃之楚

乎固有近之而遠遠之而近者留秦三年不得見惠王近之而

遠也從楚來至而得見遠之而近也時亦然有湯武之賢而無桀

紂之時不成不成其王有桀紂之時而無湯武之賢

亦不成聖人之見時若步之與影不可離步行日中

影乃逐之不可得遠之也人從得時如影之隨人亦不可離之也故有道之士

未遇時隱匿分窳勤以待時分大窳藏勤勞時至有從

布衣而為天子者舜是也有從千乘而得天下者

湯武是也有從卑賤而佐三王者太公望伊尹傳說是也有從

匹夫而報萬乘者豫讓是也趙襄子兼土拓境有兵車萬乘豫讓為智伯報

之襄子高其義而不殺豫讓卒不止終得斬襄子襯身之衣然後就死也故聖人之

所貴唯時也水凍方固固堅也后稷不種后稷之

種必待春故人雖智而不遇時無功五稼非春不生智者

之功非時不成方葉之茂美終日采之而不知不知其葉之盡

也秋霜既下眾林皆羸羸葉盡也事之難易不在小

大務在知時聖人時行則行時止則止與萬物終始也鄭子陽之難

獒狗潰之潰亂也子陽鄭相或曰鄭君好行嚴猛人家有獒狗者誅之人畏誅國人皆逐獒狗也

齊高國之難失牛潰之眾因之以殺子

陽高國眾因之以殺二子逐失牛之亂如逐獒狗之亂也故禍同當其時狗

牛猶可以為人唱而况乎以人為唱乎饑馬盈

廐嘆然嘆然無聲未見芻也饑狗盈窖嘆然未見骨

也見骨與芻動不可禁動猶爭也亂世之民嘆然未

見賢者也見賢人則往不可止往者非其形心

之謂乎齊以東帝困於天下而魯取徐州齊湣王僭

號於東民不順之故困於天下是以魯國畧取徐州也邯鄲以壽陵困於

萬民而衛取繭氏壽陵魏邑趙兼有之萬民不附是以衛人取其繭氏之邑

也也以魯衛之細而皆得志於大國遇其時也小

也也遇大國之民皆欲之則取之也故賢主秀士之欲憂黔首者

亂世當之矣當亂世憂而濟之者天不再與時不久留能

不兩主事在當之天不再與一姓不再與時不久留日中則昃者也

### 義賞

四曰春氣至則草木產秋氣至則草木落產與

落或使之非自然也故使之者至物無不為使

之者不至物無可為未春無可為生未秋無可為落古之人審

其所以使故物莫不為用使之者以其時生則生時落則落故曰莫

不為用賞罰之柄此上之所以使也則所以加者

義則忠信親愛之道彰彰明也久彰而愈長民之

安之若性此之謂教成教成則雖有厚賞嚴威

弗能禁言德教一成雖復賞罰之使為不忠不信人人自為忠信若性自然不可禁止也

故善教者不以賞罰而教成教成而賞罰弗

能禁用賞罰不當亦然言民為不忠不信亦不能禁也姦偽賊

亂貪戾之道興興作也久興而不息民之讎之若

性讎用也戎夷胡貉巴越之民是以雖有厚賞嚴

罰弗能禁禁止也郢人之以兩版垣也吳起變之

而見惡郢楚都也楚人以兩版築垣吳起衛人習久見然也楚以為將變其兩版教之用四楚俗人定公順祀叛者五人此之謂久習也賞罰

易而民安樂易其邪而施其正民去邪從正故安樂也氏羗之民其

虜也氏與羗二種夷民言氏羗之民為寇賊為人執虜也不憂其係繫而

憂其死不焚也焚燒也皆成乎邪也不得天故賞

罰之所加不可不慎且成而賊民賞罰正而民正賞罰不正

而民邪故曰且成而賊民是以君人慎之也昔晉文公將與楚人戰

於城濮城濮楚北境之地名召咎犯而問曰楚眾我寡奈

何而可咎犯狐偃也字子犯文公之舅也因曰咎犯咎犯對曰臣聞

繁禮之君不足於文繁戰之君不足於詐足猶厭也

一本作以力戰之君不足於力以詐戰之君亦詐

之君不足於詐詐者謂詭變而用奇也君亦詐

之而已文公以咎犯言告雍季雍季曰竭澤而漁豈不獲得而明年無魚焚藪而田豈不獲得

而明年無獸言盡其類詐偽之道雖今偷一作愈可後

將無復不可復行非長術也文公用咎犯之言言謀也

而敗楚人於城濮敗破也反而為賞雍季在上上首

也左右諫曰城濮之功咎犯之謀也君用其言

而賞後其身一作資後其賞或者不可乎文公曰雍季

之言百世之利也咎犯之言一時之務也務猶事也

焉有以一時之務先百世之利者乎孔子聞之

曰臨難用詐足以却敵反而尊賢足以報德文

公雖不終始足以霸矣賞重則民移之民移之

則成焉移猶歸也成乎詐其成毀雖成必毀其勝敗雖勝後必

毀天下勝者衆矣而霸者乃五乃猶裁也文公處其

一知勝之所成也居五霸之一勝而不知勝之所成

與無勝同同等也秦勝於戎而敗乎殺秦繆公破西戎而霸

使孟明白乙丙西乞術將師東襲鄭鄭人知之還晉襄公禦之殺大破之獲其三帥楚勝

於諸夏而敗乎柏舉莊王服鄭勝晉於祁故曰勝乎諸夏也及昭王南與

吳人戰破之柏舉此皆不知勝之所成也故曰與無勝同武王得之矣得猶知也

故一勝而王天下一勝衆詐盈國不可以為安

患非獨外也亦從內趙襄子出圍賞有功者五

人高赦為首智伯求地于襄子襄子不與智伯

月張子孟談私與韓魏構謀韓魏反張孟談曰晉

陽之中赦無大功賞而為首何也襄子曰寡人

之國危社稷殆身在憂約之中與寡人交而不

失君臣之禮者惟赦惟吾是以先之仲尼聞之

曰襄子可謂善賞者矣賞一人而天下之為人

臣莫敢失禮一人謂為六軍則不可易易北取

代東迫齊令張孟談踰城潛行與魏桓韓康期

而擊智伯斷其頭以為觴觴酒遂定三家韓魏

豈非用賞罰當耶當正

### 長攻

五曰凡治亂存亡安危疆弱必有其遇然後可

成各一則不設遇猶遭也各有一亂不能相治

設攻戰相故桀紂雖不肖其亡遇湯武也遇湯

武天也非桀紂之不肖也湯武雖賢其王遇桀

紂也遇桀紂天也非湯武之賢也若桀紂不遇

湯武未必亡也桀紂不亡雖不肖辱未至於此至於此滅亡也若使湯武不遇桀紂未必王也湯武不

王雖賢顯未至於此顯榮此天下故人主有大功不

聞不肖功名揜也亡國之主不聞賢亂以揜也譬之若良

農辯土地之宜謹耕耨之事未必收也然而收

者必此人也收田耕耨始也故曰必此人也始在於遇時雨遇

時雨天地也非良農所能為也越國大饑穀不熟

王恐召范蠡而謀范蠡曰王何患焉今之饑此

越之福而吳之禍也夫吳國甚富而財有餘王

年少智寡材輕好須臾之名不思後患其王吳王夫差

也王若重幣卑辭以請糴於吳則食可得也越王

王句踐也食得其率越必有吳而王何患焉得其糴終必得

其國王何憂焉越王曰善乃使人請食於吳吳王將與

之伍子胥進諫曰不可與也夫吳之與越接土

鄰境道易人通仇讎敵戰之國也非吳喪越越

必喪吳若燕秦齊晉山處陸居豈能踰五湖九

江越十七阨以有吳哉踰度也越歷也謂彼險難也故曰非

吳喪越越必喪吳今將輸之粟與之食是長吾



雖而養吾仇也財匱而民恐悔無及也不若勿

與而攻之固其數也術數此昔吾先王之所以霸

且夫饑代事也先王謂闔閭也代更也猶淵之與阪誰國

無有吳王曰不然吳王夫差吾聞之義兵不攻服仁

者食饑餓今服而攻之非義兵也饑而不食非

仁體也不仁不義雖得十越吾不為也遂與之

食不出三年而吳亦饑使人請食于越越王弗

與乃攻之夫差為擒夫差吳王也擒為越所獲楚王欲取息

與蔡楚王文王也息蔡二國也乃先佯善蔡侯而與之謀曰

吾欲得息奈何蔡侯曰息夫人吾妻之姨也蔡侯

昭侯也妻之女弟為姨傳曰吾姨也此之謂也吾請為饗息侯與其妻

者而與王俱因而一作襲之楚王曰諾於是與

蔡侯以饗禮入於息因與俱遂取息旋舍於蔡

又取蔡不勞師徒而得之趙簡子病召太子而

告之曰我死已葬服衰而上夏屋之山以望趙簡

子晉大夫趙景子成之子鞅也太子趙無恤襄子也服衰謂暮年勿復三年也夏屋山代之南山也觀望欲

太子敬諾簡子死已葬服衰召大

臣而告之曰願登夏屋以望大臣皆諫曰登夏

屋以望是遊也服衰以遊不可襄子曰此先君

之命也寡人弗敢廢群臣敬諾襄子上於夏屋

以望代俗俗土也其樂甚美於是襄子曰先君必

以此教之也及一作反歸慮所以取代乃先善之

代君好色請以其弟姊妻之代君許諾弟姊已

往所以善代者乃萬故善好也襄子所好於代者非一事故言萬故也

馬郡宜馬代君以善馬奉襄子傳曰冀州之北土馬之所生也

故謂代為馬郡也言代君以馬奉襄子也襄子謁於代君而請觴之

馬郡盡謁告也觴饗也襄子告代君而請飲之酒醉而殺之盡取其國也故曰馬郡盡

也先令舞者置兵其羽中數百人羽舞者所執持也置兵其

中不欲代君覺之也先具大金斗代君至酒酣金斗酒斗也金重大

作之可以殺人酣飲酒合樂之時反斗而擊之一成腦塗地一

一下也首碎故腦塗地也舞者操兵以鬪盡殺其從者因以

代君之車迎其妻其妻道聞之狀磨笄以自刺

故趙氏至今有刺笄之證一作山與反斗之號此

三君者其有所自而得之不備遵理三君越王也遵循也理道也然而後世稱之有功故也有

功於此而無其失雖王可也此三君有功名假令無其闕失雖為

王趙襄子也自從也遵循也理道也然而後世稱之有功故也有

王可也

慎人

一作順人

六曰功名大立天也為是故因不慎其人不可

推之於天不復慎其為人修仁義故曰不可也夫舜遇堯天也舜耕於

歷山陶於河濱釣於雷澤陶作瓦器天下說之秀士

從之人也夫禹遇舜天也禹周於天下以求賢

者事利黔首事治也黔首民也水潦川澤之湛滯壅塞

可通者禹盡為之人也夫湯遇桀武遇紂天也

湯武修身積善為義以憂苦於民人也苦勞也舜

之耕漁其賢不肖與為天子同同辭也其未遇時

也以其徒屬掘地財取水利地財五穀水利灌溉編蒲葦

結采網手足胼胝不居居止然後免於凍餒之患

患難也其遇時也登為天子賢士歸之萬民譽之

丈夫女子振振殷殷無不戴說振振殷殷眾友之盛舜自

為詩曰普天之下莫非王土率土之濱莫非王

臣所以見盡有之也盡有之賢非加也加光益也盡

無之賢非損也損滅時使然也百里奚之未遇時

也亡虢而虜晉虢當為虞百里奚虞臣也傳曰伐虞獲其大夫井伯以媵秦穆

公姬孟子曰百里奚虞人也晉人以垂棘之璧假道於虞以伐虢宮之奇諫之百里奚笑知虞公之不可諫也而去之秦此云亡虢誤矣楊子雲恨不及其時車載其金飯牛於秦

傳鬻以五羊之皮公孫枝得而說之

公孫枝秦大夫夫子桑

獻諸繆公三日請屬事焉

獻進也請以大夫職事屬付百里奚也

穆公曰買之五羊之皮而屬事焉無乃天下笑

乎公孫枝對曰信賢而任之君之明也讓賢而

下之臣之忠也

下避也

君為明君臣為忠臣彼信

賢境內將服敵國且畏夫誰暇笑哉繆公遂用

之謀無不當舉必有功非加賢也使百里奚雖

賢無得繆公必無此名矣今焉知世之無百里

奚哉故人主之欲求士者不可不務博也孔子

窮於陳蔡之間七日不嘗食藜藿不糝宰予備

矣

備當作憊憊極也論語曰衛靈公問陳于孔子對曰俎豆之事則嘗聞之矣軍旅之事未

之學也明日遂行在陳絕糧從者病莫能興此之謂也故曰宰予憊矣

孔子絃歌

於室顏回擇菜於外子路與子貢相與而言曰

夫子逐於魯削迹於衛伐

一作拔

樹於宋窮於陳

蔡殺夫子者無罪藉夫子者不禁

藉猶辱也

夫子絃

歌鼓舞未嘗絕音蓋君子之無所醜也若此乎

醜猶顏回無以對入以告孔子孔子慨然推琴

恥也喟然而歎曰由與賜小人也召吾語之子路與

子貢入子貢曰如此者可謂窮矣孔子曰是何

言也君子達於道之謂達窮於道之謂窮論語曰君

子亦有窮乎子曰君子固窮小人窮斯濫矣今丘也拘仁義之道以

遭亂世之患其所也何窮之謂言不窮於道也故內省

而不疚於道臨難而不失其德大寒既至霜雪

既降吾是以知松栢之茂也衆木遇霜雪皆凋喻小人遭亂世無

以自免松栢喻君子而能茂盛也論語曰歲寒然後知松栢之後凋此之謂也昔桓公

得之莒文公得之曹越王得之會稽齊桓公遭

出奔莒晉文公遇麗姬之讒出過曹越王句踐與吳戰而敗棲於會稽之山李皆饗國克復其

恥為霸君陳蔡之厄於丘其幸乎孔子烈然返

瑟而弦返更也更取瑟而絃歌子路抗然執干而舞干楯也

子貢曰吾不知天之高也不知地之下也高下喻廣

大也言不能知孔子聖德之如天地古之得道者窮亦樂樂其達道也

亦樂樂兼善天下也所樂非窮達也言樂道得於此則

窮達一也此近喻身也言得道之人不為窮極不為達顯故一之也為寒暑

風雨之序矣寒暑陰陽也陰陽和風雨序也聖人法天地順陰陽故能不為窮達

變其節也故許由虞乎潁陽虞樂也潁水之北曰陽

志於箕山山在潁水之北故曰樂乎潁陽也而共伯得乎共首共國伯爵

也棄其國隱於共首山而得其志也不知出何書也

### 遇合

七曰凡遇合也時不合必待合而後行故比翼之鳥死乎木比目之魚死乎海孔子周流海內再干世主如齊至衛所見八十餘君委質為弟子者三千人達徒七十人七十人者萬乘之主得一人用可為師不為無人以此遊僅至於魯

司寇僅猶裁也孔子有聖德不見大用裁至於司寇也此天子之所以

時絕也諸侯之所以大亂也言不知聖人不能用之所以絕所以

亂也亂則愚者之多幸也幸則必不勝其任矣多幸

愛不肖之人而寵用之故不勝其任任久不勝則幸反為禍則幸

大者其禍亦大非禍獨及已也故君子不處幸

不為苟處居也不為苟易邀於俗取容說也必審諸已然後任任

然後動任則處德動則量力凡能聽說者必達乎論議者

也世主之能識論議者寡所遇惡得不苟惡安也

凡能聽音者必達於一作五聲達通也人之能知

五聲者寡所善一作喜惡得不苟客有以吹籟見

越王者羽角宮徵商不謬籟二孔籟也不越王

不善為野音而反善之野鄙也說之道亦有如此

者也說賢人而不用言不肖而歸之故曰亦有如此者也人有為人妻者

人告其父母曰嫁不必生也不必生謂終死衣器之物

可外藏之以備不生其父母以為然於是令其

女常外藏藏私財於外也姑妯知之曰為我婦而有外

心一作異心不可一本下有當字畜因出之以為盜竊犯七出故出之也

婦之父母以謂為已謀者以為忠終身善之亦

不知所以然矣不知其女之所宗廟之滅天下

之失亦由此矣亦由此不理者故宗廟滅沒以失其天下也故曰遇

合也無常說適然也若人之於色也無不知說

美者而美者未必遇也故嫫母執乎黃帝黃帝說之

黃帝曰屬女德而弗忘與女正而弗衰雖惡奚

傷惡醜也奚何也言勅屬女以婦德而不忘失付與女以內正而不衰疏故曰雖醜何傷明

也說惡也若人之於滋味無不說其脆而其脆未必

受也文王嗜菖蒲俎昌本之俎孔子聞而服之縮頰

而食之三年然後勝之勝服人有大臭者其親戚

兄弟妻妾知識無能與居者自苦而居海上傷苦

也海上人有說其臭者晝夜隨之而弗能去離去

也說亦有若此者陳有惡人焉曰敦洽讎糜雉

一作頽廣顏色如淡頽一作垂眼一作臨鼻長

肘而盪盪陳侯見而甚說之外使治其國內

使制其身制陳侯身楚合諸侯陳侯病不能往使敦

洽讎糜往謝焉楚王恠一作其名而先見之客

有進狀有惡其名言有惡狀楚王怒合大夫而

告之合曰陳侯不知其不可使是也不知也無所知

也知而使之是侮也慢侮且不智不可不攻也

興師伐陳三月然後喪喪滅惡足以駭人言足

以喪國讎糜貌惡足以驚人而友之足於陳侯

而無上也至於亡而友不衰友愛敦洽讎糜無

而伐之以至於滅夫不宜遇而遇者則必廢敦若

而愛之不衰廢也夫不宜遇而遇者則必廢敦若

者此國之所以亂世之所以衰也賢者至道宜

時理物不遇之故國不治所以天下之民其苦

愁勞務從此生從此宜遇凡舉人之本太上以



志其次以事其次以功舉用也三者弗能國必

殘亡群孽大至身必死殃年得至七十九猶

尚幸所遇不當而無此三者身必死殃聖賢之

後反而孽民以是賊一作其身豈能獨哉陳舜

亂也故曰賢聖之後也孽病也所遇不當為楚

必已一作本知

八日外物不可必故龍逢誅比干戮龍逢諫桀

比干紂之諸父也諫紂箕子狂惡來死箕子紂

紂剖其心視之故曰戮桀紂亡殺忠臣

人主莫不欲其臣之忠而忠未必信故伍員流

乎江伍子胥諫吳王夫差不欲與越糴夫差不

信之不從其言以鴟夷置子胥而投之江也

也長弘死藏其血三年而為碧夫號知天道欲

城成周支天之所壞故衛奚知其不得沒也及

范吉射荀寅叛其君長弘與知之周劉氏范氏

世為婚姻長弘事劉文公故周人與范氏晉人

讓周周為之殺長弘不當其罪故血三年而為

碧也親莫不欲其子之孝而孝未必愛故孝已疑

曾子悲孝已殷王高宗子也曾曾參其至莊子行

孝見疑于其父故為之傷悲也莊子行

過一作於山中見木甚美長大枝葉盛茂莊子名

蒙人也輕天下細萬物其術尚虛伐木者止其

旁而弗取問其故曰無所可用莊子曰此以不

材得終其天年矣出於山及邑舍故人之家止舍

也故人故人喜具酒肉令豎子為殺鴈饗之豎

子請曰其一鴈能鳴一鴈不能鳴請奚殺主人

之公曰殺其不能鳴者明日弟子問於莊子曰

昔者山中之木以不材得終天年主人之鴈以

不材死一作以不能鳴死先生將何以處莊子笑曰周

將處於材不材之間材不材之間似之而非也

故未免乎累若夫道德則不然無訝無訾一龍

一蛇與時俱化而無肯專為專一上一下以禾

為量禾兩三變故以為法也而浮游乎萬物之祖祖始

物物而不物於物則胡可得而累物物而不物言制作喻天

地不在萬物中故曰不物若制禮者不制於禮也不以物自累之也此神農黃帝

之所法法則也神農少典之子炎帝也居三皇之中農植嘉穀而化之號曰神農黃帝

軒轅氏也得道而仙言二帝以此為法則者也若夫萬物之情人倫之

傳則不然傳猶傳也成則毀大則衰廉則剝廉利剝缺傷也

尊則虧直則骹尊高也傳曰高位病顛故曰則虧骹曲也直不可久故曰直則

骹詩云草木死無不萎此之謂也合則離愛則隳隳廢多智則

謀不肖則欺

多智則人謀料之不肖則人欺詐之

胡可得而必牛

缺居上地大儒也下之邶鄆遇盜於耦沙之中

牛姓也缺其名秦人也秦在西方故稱下之邶鄆沙為耦蓋地名也

盜求其橐

中之載則與之求其車馬則與之求其衣被則

與之牛缺出而去盜相謂曰此天下之顯人也

今辱之如此此必愬我於萬乘之主

劫奪其財不以禮以

辱愬告也

萬乘之主必以國誅我我必不生不若相

與誅而殺之以滅其迹

迹蹤也

於是相與趨之

趨逐也

行三十里及而殺之此以知故也

盜知牛缺為賢人故

孟

賁過於河先其五船人怒而以楫虺其頭

先其伍超

越次第也虺暴辱也

顧不知其孟賁也中河孟賁瞋目而

視船人髮植目裂鬢指

植豎指直

舟中之人盡揚播

入於河

揚動也播散也入猶投也

使船人知其孟賁弗敢直

視

直

涉無先者

無敢先孟賁也

又况於辱之乎此以不

知故也

船人不知子孟賁為勇士故也

知與不知皆不足恃其

惟和調近之猶未可必

近之近無愁難猶未可必也

蓋有不

辨和調者則和調有不免也宋桓司馬有寶珠

抵罪出亡

桓司馬桓魁抵當也

王使人問珠之所在曰投

之池中

春秋魯哀十四年傳曰宋桓魋之有寵欲害公公知之攻桓魋魋出奔衛公則

宋景公也春秋時宋未僭稱王也此云王使人問珠復妄言者也

於是竭池而

求之無得魚死焉此言禍福之相及也紂為不

善於商而禍克天地

克猶大也

和調何益

和調善之者也紂不

能行之故曰何益也

張毅好恭門閭帷

一作帳

薄聚居眾無

不趨

過之必趨

與隸姻媾小童無不敬以定其身

安身

也 不終其壽內熱

一作崩

而死

幽通記曰張毅修裸而內逼此之謂

也 單豹好術離俗棄塵

一作棄世謂不群也

不食穀實不

衣芮溫

不食穀實行氣道引也芮絮也

身處山林巖窟以全真

生不盡其年而虎食之

幽通記曰單豹治衷不外調此之謂也

孔

子行道而息馬逸食人之稼野人取其馬子貢

請往說之畢辭野人不聽有鄙人始事孔子者

曰請往說之因為野人曰子不耕于東海吾不

耕於西海也吾馬何得不食子之禾其野人大

說相謂曰說亦皆如此其辯也獨如嚮之人

猶獨

孰也嚮之人謂子貢也

解馬而與之說如此其無方也而

猶行

方術

外物豈可必哉君子之自行也敬人而

不必見敬愛人而不必見愛敬愛人者已也見


敬愛者人也君子必在已者不必在人者也必  
在已無不遇矣

曰

請

子

坐不



卷之四